



Ulterior pass per colliar territori da skis

Il cussegl da vischnanca Mustér ha approvà la revisiun parziala da la planisaziun locala.

4



Revitalisaziun da las zonas umidas da l'En

Tranter Bever e La Punt-Chamues-ch vegn l'En schlargià ad ina ladezza da fin 90 meters.

7

südostschweiz

LA QUOTIDIANA

Redacziun: Via Sommerau 32, 7007 Cuira, tel. 081 255 57 10, redacziun@laquotidiana.ch

CSEB: Ün'istorgia da success

■ (anr/afi) Daspö desch ons exista il Center da sandà Engiadina Bassa (CSEB). Insemebel cun la populaziun e diversgiasts d'utrò s'haja festagià in sonda passada na be il giubileum, dimpersè eir ün'istorgia da success. Il CSEB reunischa actualmaing importants furnituors regiunals i'ls chomps da sandà, chüra, l'assistenza ad attempats e dal bainesser. I'ls ultims ons esa reuschis da crear 60 novas plaz-

zas da lavur, quai grazcha a las novas spüertas sco la medicina alternativa o la cussagliaziun da nudrimaint. Cun passa 300 plazzas da lavur ed ot plazzas da giarsunadi es il CSEB il plü grond patrùn da lavur in Engiadina Bassa. Pels responsabels esa important d'esser pront per l'avegnir cun tuot seis novs svilups i'l sector da la sandà.

> PAGINA 7

Magnific cant sursilvan

Varga 2000 personas alla fiasta da cant a Falera

DA SUSI ROTHMUND / ANR

■ La 45avla Fiasta da cant districuala Surselva ha giu liug la sonda a Falera ed ha attratg varga 2000 amitgas ed amitgs dil cant. 32 chors han cantau avon la giuria e 28 han schau valetar lur qualitat e prestaziun. Falera ei semidau en in vitget da cant ed ha uniu 1050 cantaduras e cantadurs e quei d'aura magnifica. «Magnific» ei era il plaid ch'il musicist e dirigent Clau Scherrer ha duvrau per descriver la fiasta da cant ch'ei vegnida organisada dil comite d'organisaziun dil Chor viril-baselgia da Falera cun Giusep Giuanin Decurtins sco president. «Nus havein giu in grond, grond cletg cun bia caussas», ha Scherrer declarau e numnau enzacontas da quellas caussas che han franc era plaschiu a biars auters. Laud ha el per exempel anflau per la grondiusa lavur dil comite d'organisaziun e che tut ils puncts d'acziun erien centrali. Il vitget da cant ei stau in novum che ha anflau lauds da tuttas varts ed adina puspei ha in chor ni ina gruppa entschiet a cantar enzanua ord spir plascher. Satisfatgs astgan ils chors era esser dils predicats dalla giuria dad otg experts cul cau-expert Armon Ca-



La Fiasta da cant sursilvana a Falera ei stada encoronada da bialas melodias, plascher e success. Per Kontra. cant ha ei dau il predicat «excellent».

FOTO S. ROTHMUND

viezel alla testa. Dils 28 chors che han schau valetar ha la gronda part – numnadamein 13 – survegniu in «excellent». Ad endisch chors ha la giuria dau in «fetg bien» ed a quater in «bien». Ils pre-

dicats cumpareglia Scherrer cun ina fotografia, quellas gartegien era buc adina. Sch'il predicat seigi buc aschi buns vegli quei buca dir «vus essas buca buns», mobein quei di haveis buca giu aschi bien.

«Jeu ditgel adina, far fiasta cun bien predicat e fiastuna cu ins ha buc in aschi bien», ha il dirigent manegiau cun in surrir.

> PAGINAS 2, 3 E 4

Fotografau in uorset american en Val Medel

■ (anr/hh) Ina fototrapla dil guardiaselvaschina Daniel Bundi ha registrau in uorset american (Waschbär) en Val Medel. Quei ei stau il cass avon struschamein in jamna. Igl ei igl emprem clar mussament d'in tal en Surselva. Igl uorset american ei vegnius importaus en Tiaratudestga avon biebein 80 onns per la tratga e la finfinala pil nez da siu

peil. Duront l'uiara ein animals mitschai dallas tratgas ed han entschiet e semultiplicar ella natira, mo era a sederasar en autras tiaras dall'Europa. En Svizra han ins viu igl emprem uorset american igl onn 1976 el Wangental el cantun Schaffusa. Dapi lu ha el conquistau ulteriurs territoris.

> PAGINA 5



Igl uorset american ch'ei ius en ina fototrapla en Val Medel

MAD

Da Rabius a Sumvitg sur la punt

■ (anr/sr) Finiu cun situaziuns difficilas en stortas stretgas. Il tschancun stretg dalla via sursilvana denter Rabius e Sumvitg – che ha biaras stortas ed ina lunghezia dad 1,33 kilometers – vegn renovau actualmein. Il venderdis suentermiezdi ei la part principala da quella renovaziun, numnadamei la punt «Val Mulinaun» ve-

gnida surdada al traffic. Quei ei succediu a caschun d'ina pintga fiastetta cun benedicziun. In act da fiasta uffical ei previus igl atun cu tut las lavurs vid la via denter Rabius e Sumvitg ein terminadas. La punt artgada nova che meina sur la Val Mulinaun ha ina lunghezia da circa 210 meters ed il punct il pli ault secatta circa 50 meters sur

igl ual dalla Val Mulinaun. La punt ei vegnida dada libra sin omisduas varts, pil mument denton aunc cun vials pli stretgs e per part vegn il traffic era a saver cursar mo sin in vial. Quei pervia dallas lavurs ch'ei aunc da far sil tschancun denter Rabius e Sumvitg.

> PAGINA 5



L'avertura dalla nova punt artgada «Val Mulinaun» ha giu liug il venderdis suentermiezdi.

FOTO S. ROTHMUND

Esser prontos per tuot las dumondas

■ (anr/afi) L'Associaziun grischuna dals cumüns da vaschins (AGCV) ha salvà sia 56avla radunanza da delegats sülla Motta Naluns a Scuol. 84 personas han tadlà il referat da la cusgliera guvernativa e presidenta da la regenza grischuna Barbara Janom Steiner. Ella ha tematisà tanter oter l'avegnir dal chantun e dals cumüns vaschins. Tenor ella ston ils responsabels dals cumüns da vaschins esser prontos da respunder a diversas dumondas fundamentalas. Cuntaints sun ils responsabels da l'AGCV cun las propostas per la revisiun totala da la ledscha dals cumüns da vaschins.

> PAGINA 8

Aveir duple curasch

■ (anr/gns) A Barvogn aint igl hotel Kurhaus è gia lia la radunanza da delegos dall'Uniun grischuna d'artisanadi e mastranza. Tar chella è Urs Schädler, igl president, menziuno tgi tots vegian urgent da riscar da far pi gronds zaps ed er dad esser averts per ovras da pionier. «Vegias duple curasch, betg vurde tot adegna per negativ e vegias plascheir da mintga nov project.» Chegl tgi pertotga igl project Gis olimpics ins vegia sotvaletto tgi igl suveran seia betg sto pront da decider an schi curt taimp danovamaing an chella tgossa. Sorvaletto ins vegia cunzont er tgi pi prubabel geia a bliers anc mengia bagn e tgi dovra nigns novs impuls, è accentuo Schädler.

> PAGINA 9

Zebras: 1200 mailers han arsira da plantas

■ (rtr) En ina plantascha da puma a Zezras è rut or il feu bacterial u l'arsira da plantas. Sco quai ch'il Plantahof communitgescha èn passa 1200 mailers pertutgads e mussan ils simtoms da la malsogna contagiusa. La malatia da plantas, per tudestg «Feuerbrand», è er enconuschenta sut il nom «feu bacterial» u «arsira da plantas». Ella vegn causada da bacterias fitg contagiusas e po sa derasar epidemicamain. Ils mailers a Zezras eran vegnids plantads questa primavaira. Il cumenzament da zercladur avevan els mussà simtoms caracteristics da la malatia contagiusa. Tut las plantas pertutgadas èn vegnidas runcadas cumplettamain e trasportadas tar la Gevag nua ch'ellas èn vegnidas brischedas immediatamain. Uschia vulan las autoritads evitar ch'autras plantas vegnan infectadas. Sche flurs da bostgs da puma da minz sco mailers, pairers u cudogners vegnan brinas davent dal moni nà pudessian bacterias da l'arsira da plantas esser la culpa, avertesscha il Plantahof vivanant. El renviescha a las personas da controlla en las vischnancas ch'enconuschon il simtoms e ch'èn dad avertir.

Servetsch d'abunents e da distribuziun: tel. 0844 226 226 mail: abo@somedia.ch



9 771424 749004

10024